

то же творити, яко же глаголет⁹³ апостол Павел, что: „Веси жено, аще мужа спасеши“, то же⁹⁴ и мужев: „Женивыйся не согрешил, но закон исполнил есть; иже⁹⁵ женивыйся добре творит, и не оженивыйся⁹⁶ лучше творит“. И о сем блаженная Улияния скорбяше,⁹⁷ яко лучшия меры⁹⁸ девственнаго жития не⁹⁹ получи¹⁰⁰. Той¹⁰¹ же апостол:¹⁰² „Привязаше ли¹¹¹ ся жене, не ищи разрешениа“, и: „Жена привязана законом, и своим телом не владеет, но муж; спасется² жена³ чадородия ради, аще всякому делу благу⁴ последствует“,⁵ „на два⁶ чина разделися житие наше: на мнишеское и на простое, и простым невозбранно женитися и мясо ясти, а прочия заповеди христовы равно творити, яко же и мнихом“, „мощно, рече, и в⁷ миру⁸ с мужем живущи угодити богу“, и: „не всяк постригайся спасется, но иже сотворит мнихом достойная“, „аще кто в миру живет з женою и правит часть законную, лутче есть таковыи пустыннаго жительствоа и не всего закона исправивша“, „мирянин добродетелен в мире удивителен“. Сие в себе размышляя, аще и с мужем непорочным браком совокупистася,⁹ но тшашеся все¹⁰ заповеди христовы непорочны¹¹ сохранити. И ни единого вечера минути ей еже¹² не помолитися богу довольно; и тако блаженная мало сна приемлющи, по¹³ утру¹⁴ же рано воставши и молитву богу довольно отдаваше.¹⁵ Егда же муж¹⁶ ея в царских службах пребываше¹⁷ лето и¹⁸ два,¹⁹ в та убо времена блаженная по вся нощи без сна пребываше, довольно богу молящися, яко²⁰ же рекл.²¹ И не угасающу светилнику ея во всю ношь, прилежно²² простираше лакти своя на вретено²³ и на пяличное дело утвержашеся, и то продаваше рукоделие свое, и цену нищим раздаваше,²⁴ иное же на церковное строение:²⁵ бе бо хитра пяличному делу. Многу же милостыню отаи свекра и свекрови своя творяше, точию единой рабицы ея малей ведущи.²⁶ с нею же посылаше милостыню требующим. Сие же творящи по вся нощи, никому же сведущу, яко же глаголет богогласный Матфей, паче же сам Христос бог наш²⁷ своими пречистыми²⁸ усты: „Егда твориши милостыню, не воструби пред собою; да не увестъ щуйца твоя, что творит десница твоя; и отец твой, видяй втайне, воздаст тебе яве“. В день же домовное строение без лености управляющу, вдовицами²⁹ и сироты яко истовая мати печашеся, своими руками омываше и кормяше, и поя³⁰ и обшивая.³¹ И свершися о ней слово премудраго Соломона: „Жену добру³² кто обрящет, дражайши есть камения многоценнаго,³³ не лишится богатства, и радуется о ней сердце мужа ея; аще где коснит, не печется ни о чем“. ³⁴ Все бо³⁵ суть [в дому ея] оболчени

93 Ч = И 94 Ч доб. глаголет (= И) 95—96 Ч = И 97 Ч скорбящи 98 Ч оши-
бно веры 99—100 О нет 101—102 Ч = И
11 Ч нет 2—3 Ч = И 4—5 Ч благопоследует 6 Ч доб. бо 7—8 Ч нет
9 Ч совокупитися 10 Ч вся 11 Ч непорочно 12 Ч доб. бы 13—14 Ч = И
15 Ч отдавши 16 Ч мужев 17 Ч = И 18—19 Ч = И 20—21 Ч чет
22 Ч доб. бо (= И) 23 Ч веретено 24 Ч раздающе 25 Ч растакаше 26 Ч = И
27 Ч нет 28 Ч = И 29 Ч доб. же 30—31 Ч обшиваше и пояше 32 доб.
аще (= И) 33 Ч многоценна 34 Ч доб. же 35 Ч доб. иже